



AWEMainta

facebook

www.awemainta.com

5880022

Diamars 23 di August 2022



Cashi coriente di Elmar a pega candela

Ademas di dos blackout

P.3

Monkeypox a drenta Aruba

P.6

Dos mucha no a atende scol pa falta di alimentacion

P.8

Jeffrey Kelly ta lansa su produccion "ABO!"

P.18

The #1 Payroll & HRM Software in the Caribbean

- Easy to Use & Always Accurate
- Complete Integration of HRM & Payroll
- 24/7 Support from Local Specialists
- On-premise or Cloud
- All Types & All Sizes of Companies Incl. Government

Payroll Pro
HRM

Tel. 583-7072 | info@vcc-int.com | www.vcc-int.com

VCC
International NV

**REAL SOFTWARE
REAL SUPPORT**
www.vcc-int.com

get a quote

make a payment

sign up

Guardian Group
Future

live safe | live easy

myguardiangroup.com

Quick and easy!

LOCAL

WEB: Problema tabata den motornan nobo di Recip 4

Eincomodidad cu pueblo di Aruba a pasa den dje dos bes riba e prome dia di siman, kedando sin coriente, tabata causa pa un problema den e motor Recip 4, cu ta esun mas nobo di WEB cu a drenta den funcion casi dos luna pasa.

Durante un conferencia di prensa yama na ultimo ora door di e planta di awa y coriente WEB, a duna informacion di e problema cu a surgi un poco prome cu 5'or di dialuna mainta.

Ir. Alfredo Koolman, director di WEB tabata presente den e conferencia,. A dura seis ora prome cu e clientenan di WEB y ELMAR por a cuminsa haya suministro di coriente bek.

E motornan cu problema ta esnan cu a wordo instala den e prome siman di juli. E problema den e motornan di Recip 4 a tarda algun rato prome cu a yega na e punto di por lanta e planta bek. Pero na momento cu esey tabata tumando luga, a confronta algun problema interno den WEB su sistema (instabilidad), no e recip 4, cu a causa un di dos blackout. Esaki a sosode un poco prome cu 8'or di mainta.

A cuminsa pa investiga kico tabata e causa di e di dos blackout pa despues poco-poco cuminsa suministra nan clientenan cu coriente atrobe, poco-poco. A haci esaki den colaboracion estrecho cu ELMAR.

WEB, el a bisa, ta den un proceso grandi di transicion. For di uzo di un sistema di vapor pa un sistema di motor. A cuminsa cu esaki na 2006 y awo ta den e fase di bay completamente riba uzo di motor. Esaki ta nifica cu mester saca e central di vapor for di servicio. E motornan ta algo nobo y personal ta keda wordo interna pa por funciona bon den e sistema nobo. Pero, el a bisa, cu e sistema ta keda cu su "kinderziektes".

El a splica cu cada incidente ta bisa kico ta origen di e causa y solucionnan cu mester bini cu ne pa evita ripiticion. "Mi ta lamenta e blackout. Dos blackout mi sa ta algo cu lo impacta comunidad. Nos disculpa pa esey. Mi cu bisa cu nos personal ta haci tur lo posibel pa determina kico ta e causa di e blackout."

Koolman, a sigura cu tipo di fayto asina por sosode na momento cu tin transicion di un sistema anticua di vapor pa motornan Recip moderno. Pasobra ta haciendo e transicion cu e planta operacional, pues cualkier fayto den comunicacion entre e dos sistemanan aki, por causa loke a sosode na dos ocasion caba. Lo investiga bon unda e asunto a bay robes y haci coreccion



mesora.

E motornan recip 4 ta masha importante, pasobra eynan lo traha di un forma mas eficiente (motornan ta uza hopi menos azeta) y baha gastonan di operacion den produccion di awa y coriente. Esaki lo influencia tarifanan di un forma positivo.

Na momento cu coriente a bay, hopi cas a conoce un reduccion den presion di awa. Pa esaki, segun Koolman, WEB tin un proyecto andando. Ta trata aki di e tanki di Alto Vista cu ta bay wordo reemplasa.

E tanki tin mas cu 40 aña y mester reemplas'e. Algun siman atras e tanki a cuminsa haya problema pa cual a bah'e pendiente e aprobacionnan pa construi. Debi na esaki a pone bario di Noord tambe, mescos cu Paradera, bou di presion di pomp.

Koolman na final a bisa cu e blackout no tabata un eror humano, pero un problema den e sistema di diseño no a cuadra. Esaki ta haci cu semper mester percura pa un backup pa sigui suministra combustibel. Esaki ta algo cu lo bay atende cu ne.

*Ademas di dos blackout***Cashi coriente di Elmar a pega candela**

Dialuna den oranan trempan Aruba a bay den un Black Out. Poco poco e coriente a cuminsa bin bek. Ora cu el a bolbe por a ripara cu e coriente no tawata stabiel cu a causa cu el a bay bek.

Despues di basta rato Elmar a cuminsa traha pa stabilisa e coriente den diferente barrio y poco poco Aruba a cuminsa normalisa.

Manera cu esey no ta suficiente, den careda di 11'or polis a wordo notifica cu e cashi coriente den Zandstraat tawata sacando huma y mesora a avisa tanto Elmar y Brandweer.

Un team di Elmar a yega y mester a warda pa un otro parti corta e coriente di e cashi aki pa asina Brandweer por bay over pa haci su trabou.

Por a mira cu poco poco huma preto toxico tawata sali di e cashi. Ora a haya e ok pa habri esaki personal di Elmar a habri'e y Bomberonan por a cuminsa cu paga e candela.

Personal di Elmar na e sitio no por a confirma cu si lo por ta trata fayó grandi debi na e bay bin di coriente y nan lo tin di bay averigua kico exactamente a sosode.

E area lo a permanece pa 3 ora ney sin coriente.



Un 8 porciento di poblacion tin problema serio di bista, oido, movilidad of comunicacion

Eporcentahe no ta muestra hopi pero den cifra si e ta muestra hopi. Toch tin basta persona den comunidad cu tin problemanan di bista, cu oido, movilidad, corda of concentracion, no por yuda nan mes of cu tin problema di comunicacion.

Den e ultimo Censo haci na 2020 a indica cu un poco mas cu 8% tin un of otro di e problemanan ariba menciona. Ora cu ta papia den cifra, esaki ta un poco mas cu 9 mil persona. E personanan aki ta den tur categoria di edad, for di baby te cu esun mas bieu.

Segun e datonan aki, tin 1923 persona cu tin un of otro problema di bista. Y mayoria ta hende muhe. Ta papia aki di 1135 persona hende muhe. E grupo mas grandi (122) ta den e categoria di 60 pa 64 aña. Den e grupo hoben, bou di 20 aña, tin un total di 185 persona cu problema di vision (algo mas grave cu solamente

di no tin un bon bista), di cual mayoria (110) ta hende muhe.

Loke ta hala atencion cu den e categoria di 0 pa 4 aña tin 5 mucha muhe cu tin problema serio di vision.

Den e parti di oido tin 1009 persona cu problema di oido (incapacidad). Den esaki tambe mayoria cu tin problema aki ta hende muhe. Den mucha di 0 pa 4 aña tin 6 menor cu un incapacidad di oido. E grupo mas grandi cu un incapacidad di oido ta hende muhe den e grupo di 80 pa 84 aña, cu ya caba ta un problema di edad.

Bou di 20 aña tin un total di 66 hoben cu problema auditivo cu ta tin su efecto riba nan calidad di bida.

Editorial

Maritza Maduro



Dos 'blackout' a bira otro impacto negativo pa gabinete Wever Croes II

Sin duda cu e 'blackout' cu a sosode den curso di Sayera mainta, a percura pa gran iritacion den pueblo y cu tabata otro impacto sumamente negativo pa e actual gobierno, cu no por caba di haci algo cu ta positivo pa pueblo.

Pa algun luna caba tin un serie di cosnan negativo, noticianan negativo cu ta persigui e di dos gobierno di Prome Minister Evelyn Wever Croes pero e hecho cu e "blackout" aki a tuma luga despues di algun siman cu WEB Aruiba NV a anuncia aumento di tarifa di awa y coriente, automaticamente ta crea iritacion inmenso den henter comunidad.

No solamente esey pero e hecho cu henter comunidad a wordo paralisa pa casi ocho ora, ta pone cu diferente sector di comunidad, a wordo perhudica formalmente, for di scolnan cu mester a cera, for di sector medico cu mester a cancela tur tipo di tratamiento y servicio medico, te cu e sector comercial cu tambe a hiba gran perdida c'un mainta sin coriente, sin cu por a haci mucho, anto riba e prome dia di un siman nobo.

Algo prome cu 5'or di marduga diripiente tur hende a sinti cu algo ta robes, cu airco a stop di supla, cu scuridad den camber a bira ainda mas scur y e silencio inmenso pa falta di actividadnan manera airco y freezernan cu ta zona den oranan di anochi, tur a cay afo y e silencio custumbra di un anochi sin coriente, a domina por completo.

Manera ta e tradicion den hopi caso e dia a bira mas largo, hendenan a spierta ya cu e segun e minuutnan tabata pasando, e calor a cuminsa ansha hende y e unico consuelo tabata un kwart di luna cu a brinda poco claridad den e scuridad di marduga.

Den algun bario reconeccion di coriente a yega algo prome cu 7'or pero e expectativa cu e situacion lo normalisa pa henter e isla, a bira un expectativa falso, ya cu den cuestion di menos di un ora, ata WEB a bolbe bay plat y e isla a conoce su di dos "blackout" den menos di algun ora.

Automaticamente mayoria di hende ta mira den

direccion di gobierno, ta culpa gobierno caminda den cierto forma esaki no por ta husto pero di otro banda esaki ta normal sigur ora cu analisa e maneho cu gabinete Wever Croes a bin ta hibando pa loke ta awa y coriente riba e isla.

Ta pa algun tempo caba gobierno a bin ta haciendo y deshaciendo tanto den WEB Aruba NV como Utilities, reemplasando hende, pagando directornan cu a hiba un maneho corecto y efectivo un suma grandi pa nan baha na awa y na nan luga a nombra famia y amigonan di ministernan.

Principalmente WEB y Utilities a wordo converti den un tipo di empresa familiar, cu ruman, swa, primo y prima, amigonan tumando over, pa colmo tumando e decision pa no hedge na final di 2021, loke a pone e aumento di tarifa di awa y coriente, a bira algo cu ta pueblo mester carga awor pa e falta di no a hedge compra di petroleo.

E caos cu tin tanto den e planta di awa, desaroyonan na Elmar, decisionnan tuma den RdA, esta Refineria di Aruba, nombramento nan sorprendente den Utilities, caminda a nombra expertonan cu no ta experto, ta mas cu claro cu awor cu pa di tres ocasion den 2022 e isla ta sufri blackout, tur hende ta mira den direccion di gobierno y su maneho di politica partidista como e culpabel mayor.

Awor por manda sostenedo y fanaticonan di partidonan politico bay riba social media y trata di reduci e critica contra di gobierno pero practicamente por bisa cu e blackout aki ta cuadra cu e maneho cu e ultimo aña y mey gobierno a bin ta hibando, cambiando director pa loco, treciendo cambionan cu tur hende, hasta gobierno mes, sa cu e cambionan aki no ta beneficia pueblo pero ta haci esakinan tog.

Cu gobierno tin cu carga responsabilidad pa e black out aki ta mas cu normal, hasta por bisa cu e ta hustifica ya cu e maneho hiba simplemente no a brinda ningun bentaha pa pueblo, al contrario e decision di aumenta tarifa di awa y coriente, lo tin un impacto formal riba inflacion cu lo costa pueblo ainda mas placa den su cartera.

Monkeypox a drenta Aruba

E prome caso confirma di Monkeypox ta conoci na Aruba. Ta trata aki di un residente cu no tin historia di biahe recientemente pa cual motibo DVG ta conclui cu e contagio a tuma luga riba nos isla. Relaciona cu e prome caso positivo aki tin tambe un caso sospechoso bou investigacion.

Monkeypox ta transmiti su mes di hende pa hende pa medio di contacto directo cu likido di blaar of heridanen di blaar presente riba e curpa di e persona infecta, den algun ocasion via obheto of superficie uza pa un persona infecta of tambe pa medio di secrecion of droplets cu ta sali for di e boca, nanishi of garganta di e persona infecta.

Pa por preveni mas contagio cu e virus di Monkeypox ta importante pa un persona cu cuminsa observa blaarnan riba diferente parti di su curpa tuma contacto cu su dunado di cuido pa evalua si por ta trata di Monkeypox y pa testnan necesario por wordo haci y precaucionnan necesario tuma luga. Sintomanan cu tambe por acompaña Monkeypox ta keintura, dolor di cabes cansancio, kliernan hincha y dolor di musculo.

Vacuna.

DVG a haya e informacion cu pronto nos lo ricibi for di RIVM Hulanda un cantidad limita di vacuna pa yuda proteha contra e virus di Monkeypox.

E vacunanan lo bay ta disponibel pa e grupo di riesgo mas grandi segun instruccion y maneho di Hulanda.

Pa medio di dunadonan di cuido y specialistanan ciudadanonan cu ta cay bou di e grupo di riesgo lo wordo yama pa ricibi nan vacuna si nan ta desea esaki. DVG ta traha cu algun organisacion pa hunto yega na esnan mas na risico.

Pa mas informacion like nos Facebook page Directie Volksgezondheid DVG Aruba,

Follow nos riba Instagram [directie_volksgezondheid_aruba](#), subi nos website [www.dvg.aw](#),

yama nos na 5224200 of mail nos na servicio@dvg.aw

Coca-Cola PRESENTS: **Balashi**

Caribbean MONSTER TRUCK SHOOTOUT 2022

ARUBA

Presented by: **Brazilian Flash Racing Foundation and New Horizon Racing Team**

Palo Marga International Race Way Park
September 30... October 1 - 2
 Sanctioned by AMTA

LOCAL

Guardia di siguridad hinca cu sker

Diadomingo mainta tempran, na salida di solo pa 6.39, polis nabn a bay atende cu gerencia di Lekker Bar na Noord mirando cu ainda lo tabatin hende den e establecimiento cu mester tabara cera caba.

Na e sitio polisnan ta wordo informa pa personal di siguridad di e negoshi cu tin un situacion un tiki tenso den e bar y cu nan ta anticipa cu lo tin bringamento ora cu e hendenan bandona e edificio den stacionamento.

Polisnan a bay staciona na un distancia pa supervisa e situacion y a haya ayudo di un patruya mas y a tuma nota cu na momento cu siguridad di e luga a saca un grupo afo, un rato despues a inicia un bringamento den grupo. Un grupo di 10 persona tabata halando otro cu conopi cu gritando di menasa di un banda pa otro y


a ripara c'un tipo bista c'un t-shirt preto, tabata un di esunnan gritando menasa y el a bringa cu varios persona pafo di e luga.

Polisnan hunto cu personal di siguridad a dreña den e grupo pa kita e bringadonan for di otro pero den e proceso aki, un di e personal di siguridad a wordo hinca c'un sker den su lomba pero testigonan cu a mira esaki sosode, a declara cu e agresor a core bandona e sitio y a core bay abou den direccion di Washington.

Polisnan a bay su tras pero ora cu e homber a mira polisnan, el a core dreña mondi pero polisnan no a topa cune den e mondi.

Cla Pa Scol Cu HYBRID!

0 Down Payment



SAMSUNG GALAXY A12

Afl. 43.80
p/luna*

HYBRID Start



SAMSUNG GALAXY A32

Afl. 67.18
p/luna*

HYBRID Basic

Paga den 12 luna

* Prijs di celular ta cu payment plan di 12 luna valido cu contract di 1 aña te cu 31 di augustus 2022.




SETAR
setar.aw | Teleshops

Aruba tin 112 caso activo di COVID

Siman epidemiologico di 14 pa 20 di Augustus 2022 pa loke ta resumen di casonan COVID ta indica cu 160 persona a recupera y un total di 124 caso nobo di COVID-19 a keda registra. Ningun persona a fayece y cantidad di casonan activo di COVID-19 pa awe ta 112.

Datos ta ilustra casonan nobo di COVID-19 cu un averahe semanal di 18 caso positivo pa dia y un averahe di 'Positivity rate' semanal di 47%. Un total di 2 persona a keda interna den hospital durante e siman cu a pasa di cual tur tawata riba piso general.

Mientrastanto, den otro articulo por lesa cu Aruba a conoce su prome caso di Monkey Pox.



EXECUTORIALE VERKOOP

Ten overstaan van notaris mr Chamila Agnella Tromp of haar waarnemer zal op **DONDERDAG 25 AUGUSTUS 2022 om 10:00 uur 's-morgens bij de Kamer van Koophandel (Auditorium)** aan de L.G. Smith Boulevard 10, Oranjestad, Aruba, in één zitting bij opbod en afslag in het openbaar worden verkocht, ex artikel 3:268 van het Burgerlijk Wetboek van Aruba:

1. KAS PALOMA 74, 74-A, 74-B, 74-C, 74-D, 74-E, 74-F

een wooncomplex, staande op het recht van erfpacht tot 29 augustus 2051 op twee percelen domeingrond, gelegen te Kas Paloma in Aruba:

- a. groot zeshonderd drie en twintig vierkante meter (623 m2), kadastraal bekend als Eerste Afdeling Sectie S nummer 51, en
- b. groot tweehonderd zes en veertig vierkante meter (246 m2), kadastraal bekend als Eerste Afdeling Sectie S nummer 169.

richtprijs: **Afl. 365.000,--**

2. PRIMAVERA 225

een woonhuis staande op het recht van erfpacht tot 18 januari 2056 op een perceel domeingrond groot 462 m2 gelegen te Primavera in Aruba, zoals omschreven in kadastrale meetbrief nummer 181 van 1995.

richtprijs: **Afl. 285.000,--**

3. DE LA SALLESTRAAT 7

een woonhuis staande op een perceel eigendomsgrond groot 520 m2 gelegen aan De La Sallestraat in Aruba, kadastraal bekend als Eerste Afdeling Sectie E nummer 534.

richtprijs: **Afl. 450.000,--**

- Iedere bieder is gehouden, zowel bij het uitbrengen van een onderhands bod als op de veiling zelf, zich te legitimeren met een geldig paspoort of ID en middels een bereidheidsverklaring, een bankgarantie of andere vorm van zekerheid aan te tonen aan de Executant in staat te zijn tot nakoming van zijn bod en de bijkomende kosten.
- De Executant behoudt zich het recht voor de executieveiling uit te stellen dan wel op te houden zonder daarvoor de reden te noemen.
- Op de veiling zijn van toepassing de Algemene Veilingvoorwaarden voor Executieveilingen (AVVE) en de Bijzondere Veilingvoorwaarden zoals vastgesteld door notaris mr. Chamila Agnella Tromp.

Voor vragen of meer informatie kunt u een email sturen naar auction@newleafaruba.com of de volgende website bezoeken:

www.newleafaruba.com

LOCAL

Pobresa ta dal duro

Dos mucha no a atende scol despues di prome dia pa falta di alimentacion

Inflacion y un serie di medida cu gobierno a y lo introduci dentro di poco, ta sigui crea un inflacion nunca bisto aki na Aruba y cu lo percura pa un aumento di pobresa den tur bario rond di e isla.

Siman pasa diaranson 17 di Augustus, tabata prome dia di scol pero ya por scucha informacionnan di casonan realmente tristo cu ta surgi pa e situacion financiero cu tin cerca diferente famia aki na Aruba.

Un caso cu a hala atencion di AWEMainta a sosode na un scol na Noord, caminda dos ruman a atende e prome dia di scol pero no a duna acta di presencia e otro dos dianan, cu consecuencia cu un maestra a dicidi di pasa den fin di siman pa haya informacion kico lo por a pasa cu e muchanan.

Na prome instante e mayornan a informa cu e muchanan ta sufri kebrante di salud pero despues di un combersacion ameno, e mayornan a informa cu nan tin berguensa di bisa, cu e muchanan no a atende scol e siguiente dos dianan, pa motibo cu e famia no tabatin mucho cos di come pa asina e muchanan por yega scol bariga yen.

Segun e informacion cu AWEMainta a ricibi a mostra cu e mayornan a splica e maestra cu e situacion financiero na cas no ta mucho bon, sigur despues cu ambos mayor a perde nan trabou durante di e pandemia pero awor nan no a recupera ainda loke nan tabatin prome cu e pandemia.

“Tin biaha e placa no ta yega, nos tin cu paga cas, loke ta prome cos cu ta wordo paga, tin cu paga awa y coriente y loke resta lo tin cu wordo dividi pa cuminda pa henter e luna,” segun un grabacion cu nos redaccion a ricibi riba e caso aki.

Segun e mayornan, asina cu e di tres siman yega, placa ta caba y tin cu spera e siman pa cobra yega pa asina por cumpra alimentacion atrobe pero den algun caso a haya ayudo di otro famianan pero no tur ora por sigui acudi na famia pa ayudo, ya cu e famianan aki tambe ta luchando cu nan placa ta bal menos compara cu antes. Mama di e criaturanan a mostra e maestra cu pa e prome dia di scol, e muchanan tabata insisti pa nan bay, ya cu nan kier a mira cu kende nan ta den klas, cual maestro of maestra nan a haya y tur loke e prome dia ta trece cune.

Tur dos a bay c’un sandwich scol y un paki di juice chikito pero esey tabata nan desayuno, lunch y cuminda di anochi loke a pone cu e dia siguiente e mayornan no kier a laga e muchanan bay sin algo di come scol. Den ora di atardi a logra di haya cuater pida pan pero pa criaturanan cu tin varios ora sin come, e no tabata prudente pa nan manera e muchanan scol loke a pone cu nan no a bay ni diahuebs y diabierna.



E situacion ta normalisa un tiki den fin di siman ora cu nan bishita cas di welanan caminda nan a haya algo di come pa tene e stoma pero tog ta keda un situacion tristo cu muchanan no por bay drumi anochi cu stoma yen.

E maestra a sigur AWEMainta cu el a duna e mayornan pa acudi na cierto departamento of fundacionnan pa asina nan por ricibi ayudo pa sosten den situacionnan asina.


B&P/INTERFACE ARUBA N.V.
Consultancy and Training

Upcoming Training Schedule



We're pleased to announce the training schedule for the months of August and September 2022. We also provide these training sessions as customized In-Company training.

- Labor Law In Aruba (August 23)
- Supervisory Skills Basic (August 24)
- Practical Management (September 5)



facebook.com/bpinterface

For additional information and registration please contact us!
Email: bpinterfaceua@setarnet.aw Tel: 594-5533 /

Like us



Minister Ursell Arends:

A dal prome stap pa elimina candela riba dump



Dialuna mainta dilanti dump na Parkietenbos a tuma luga e anuncio oficial di Minister Arends, caminda conhuntamente cu e otro stakeholders manera BCI, Serlimar, Carentra y Ecotech Freezone a anuncia e prome paso unda cu lo redirigi e prome tipo di desperdicio, cual ta taira.

“Despues cu 22 di februari, 2022 ultimo a inicia e proceso pa bin cu un maneho di desperdicio nobo pa Aruba. Awe 6 luna despues mi ta orguyoso pa bisa cu e prome stap a wordo haci”, Minister Arends a cuminsa ta bisa, “Awe nos prome stap pa cumpli cu e promesa cu nos tin cu Edan – y nos futuro generacion – a wordo haci. Tur esaki ta parti di un vision pa no solamente cera Parkietenbos, pero tambe pa cuminsa enfoca riba reduci, re-uzar y recicla desperdicio, y facilita e transicion di Aruba basa riba principionan circular (economia circular).”

Despues di e Pitch & Switch event cu a tuma luga 22 di maart, 2022 ultimo, Gobierno a haya un amplio bista di kico ya caba por na Aruba pa loke ta trata procesa, recicla y re-uzar. A ser revela cu ya caba tin algun experticio local cu por recicla

desperdicio den un manera responsabel y duradero. Cu e redireccion di taira e prome stap di e proceso pa elimina e candelanan, cera y remedia dump di Parkietenbos pa transforma e area den un Parke Solar a inicia.

“Como comunidad y ciudadano Arubano nos tin un reponsabilidad pa nos generacionnan despues di nos, “ Minister Arends a continua ta bisa.

“Mi vision ta pa cera Parkietenbos mas pronto cu ta posibel y redirigi tur sushi unda nan por wordo procesa responsabelmente. Pero pa nos logra esaki ta rekeri entre otro, comprension y sosten di comunidad, y colaboracion y cooperacion entre sector publico cu sector priva.

Di parti di Gobierno di Aruba, minister Ursell Arends ta gradici di antemano e cooperacion di comunidad y esnan den sector publico y priva cu tambe ta mira e necesidad pa nos cuminsa cu separacion di desperdicio riba nos pais pa un miho futuro pa nos yiunan mañan.

SUCESO



EXECUTORIALE VERKOOP

Ten overstaan van notaris mr Chamila Agnella Tromp of haar waarnemer zal op **VRIJDAG 16 SEPTEMBER 2022 om 10:00 uur 's-morgens bij de Kamer van Koophandel (Auditorium)** aan de L.G. Smith Boulevard 10, Oranjestad, Aruba, in één zitting bij opbod en afslag in het openbaar worden verkocht, ex artikel 3:268 van het Burgerlijk Wetboek van Aruba:

1. BALASHI 75-A

diverse opstallen van kantoorruimten / werkplaatsen staande op:

- een perceel domeingrond groot 2.170 m², kadastraal bekend als Eerste Afdeling Sectie U nummer 14;
- een perceel domeingrond groot 2.264 m², kadastraal bekend als Eerste Afdeling Sectie U nummer 40;
- een perceel domeingrond groot 574 m², kadastraal bekend als Eerste Afdeling Sectie U nummer 39.

richtprijs: **Afl. 502.150,--**

2. POS CHIKITO 53-M

een woonhuis staande op het recht van erfpacht tot 13 juli 2060 op een perceel domeingrond groot 622 m² gelegen te Pos Chikito in Aruba, kadastraal bekend als Derde Afdeling Sectie G nummer 1756, als mede op een perceel eigendomsgrond groot 427 m² gelegen aan de J.G. Emanstraat in Aruba, kadastraal bekend als Eerste Afdeling Sectie A nummer 153.

richtprijs: **Afl. 261.000,--**

- Een onherroepelijk en onvoorwaardelijk onderhands bod kan worden uitgebracht tot en met uiterlijk donderdag 1 september 2022 ten kantore van NewLeaf Notary of via email auction@newleafaruba.com. Het biedingsformulier is zowel op het kantoor van NewLeaf Notary alsmede op de website www.newleafaruba.com verkrijgbaar.
- Iedereieder is gehouden, zowel bij het uitbrengen van een onderhands bod als op de veiling zelf, zich te legitimeren met een geldig paspoort of ID en middels een bereidheidsverklaring, een bankgarantie of andere vorm van zekerheid aan te tonen aan de Executant in staat te zijn tot nakoming van zijn bod en de bijkomende kosten.
- De Executant behoudt zich het recht voor de executieveiling uit te stellen dan wel op te houden zonder daarvoor de reden te noemen.
- Op de veiling zijn van toepassing de Algemene Veilingvoorwaarden voor Executieveilingen (AVVE) en de Bijzondere Veilingvoorwaarden zoals vastgesteld door notaris mr. Chamila Agnella Tromp.

Voor vragen of meer informatie kunt u een email sturen naar auction@newleafaruba.com of de volgende website bezoeken:

www.newleafaruba.com

Ladron ta core laga boter di gas horta atras

Den dia cla, diasabra merdia pa 1.30, central a dirigi polisnan pa un caso di ladronia den Bernhardstraat y na e sitio polisnan ta papia cu e homber di inicial R. kende ta musta cu el a caba di yega su cas pero a mira un homber desconoci pa su persona, lastrando un boter di gas.

Pero mesora e ciudadano aki a reconoce cu ta trata aki di su boter di gas cu e tipo tabata hortando y ora cu el grita e homber, esaki a dicidi di laga e boter cay y a sali na careda despues di a wordo descubri.

El a core tras di e homber pero na altura di Zeewijk el a perde e tipo for di bista y polisnan tambe a tira bista den bisindario pero no a topa cu e ladron di gas aki.

Venezolano sin rijbewijs y sin permiso

Diasabra merdia algo prome cu 12'or polisnan a bay over na controla un auto Toyota Corolla color cora caminda a pidi chauffeur di e auto pa su rijbewijs, ta bin resulta cu e no tabatin uno valido.

Siguiementemente a pidi e homber di inicial M. procedente di Venezuela pa su permiso di estadia loke tampoco e tin cerca dje y esey a pone cu a bay over na hiba e homber pa warda di polis.

Eynan a tuma contacto cu oficina di Guarda Nos Costa pa controla status di e persona aki y ta bin resulta cu M. ta kedando ilegal aki na Aruba y mesora a pasa e persona aki pa cuido di GnC pa sigui cu e proceso di deportacion.

Homber kimando corchon

Diasabra mainta tempran ora cu e polisnan a cambia warda un patruya a wordo dirigi mesora pa un cas na Mon Pos pa un caso di molester di huma.

Na e sitio polisnan en berdad ta bin topa un candela cu tabata sacando hopi huma caminda a papia c'un habitante di e cas kende tabata kimando algun matras bieu pero mesora polisnan a informa e persona cu e no por haci esaki den un bario habita asina y el a compronde y a paga e

Un choller cu machete y otro tirando boter

Tur cos ta mostra cu centro di Oranjestad ta cayendo den dominio di chollernan un biaha mas caminda den fin di siman, na varios ocasion polisnan a wordo yama pa tende cu e tiponan aki creando problema y inkietud.

Esun mas fastioso y serio a sosode banda di 3'or diasabra marduga ora cu central a dirigi polisnan pa e edificio bieu di Ennia den Caya Betico Croes pa problema c'un choller.

Na e sitio polisnan ta papia cu personal di seguridad die compania Orion cu ta declara cu un choller a caba di subi e trapi di RBC Bank patras den Windstraat y via dak di e banco, a drenta den e edificio bandona di Ennia.

Polisnan tambe a subi e trapi y ta bin haya e choller cu nan conoce como B. riba dak di e banco y e tabatin un tas den su poder y ora cu a controla esaki, a bin haya un machete y loke ta conoci cerca e tiponan aki, pochi pa mula marihuana.

Tur cos a wordo confisca y a pone e choller baha for di e dak y a wordo cori for di e sitio.

BOTER

Diasabra atardi tambe polisnan mester a bay na altura di Paris Restaurant caminda lo tabatin un choller tirando boter den caminda pero ora cu polisnan a yega na e sitio, nan a wordo informa cu ta trata di e choller conoci como Baca, kende a bandona e sitio caba.

A bay busca paradero di Baca y a bin haya e homber na altura di Gianni's Center caminda a bay papia cu'ne riba su comportacion pa despues bise bandona e sitio mesora, loke el a haci

Un bishita na amiga y nan a horta su brommer

Diasabra marduga algo despues di 1'or un dama a duna keho di ladroncia di su motorcycle na Caya Sol caminda el a mostra cu diabierna anochi el a di bishita cerca un amiga na e adres menciona pa 10.30.

El a yega na e cas aki riba su motorcycle Sigma Gps color cora cu preto y a staciona esaki dilanti un stupi di e cas di su amiga, na yabi pero ora cu e kier a bay su cas pa banda di 1.30, el a ripara cu e motorcycle no tabata riba e stupi mas y cu nan bay cu esaki sin su permiso.

El a mostra cu fuera cu e tabatin un kwart tank di gasolin, tambe bou di e stoel di e aparato, e tabatin un cartera preto di Aldo den cual e tabatin su carchi di AZV, su rijbewijs y un cartera den cual e tabatin 100 florin.

E antisocialnan hasta a bay cu su helm MDX color cora cu preto cu tabata riba e motorcycle y polisnan a tuma tur informacion relaciona cu a ladroncia aki.

Muhe burachi deteni pa core auto burachi

Pa coremento di auto bou influencia di alcohol, polis no ta haci distincion den sexualidad die chauffeur ya cu tanto un muhe of homber coriendo auto bou di influencia di alcohol, ta un peliger pa su mes y tambe pa otro chauffeurnan.

Diadomingo anochi banda di 7'or central a dirigi un patruya pa Macuarima caminda a informa cu tin un auto Mitsubishi Lancer blanco, coriendo di un banda pa otro y a hera ocasiona un accidente na altura di Mond Fierno.

Sinembargo despues a polisnan a wordo informa cu e auto ta bayendo direccion di Santa Cruz y e patruya e bon ripara e auto en berdad y bay over na duna e chauffeur indicacion pa para loke el a haci tambe.

A bin resulta cu e chauffeur tabata un señora kende su rosea tabata hole sterki na alcohol, e tabatin wowonan cora y tabata papia cu lenga pisa y no por a para bon riba su pianan.

E señora a wordo hiba warda caminda el a haya un cuarto gratis y a laga su auto staciona dilanti di 88 Foodcenter na Santa Cruz.

POLITICA

Minister di Cultura Xiomara Maduro a duna discurso na apertura di tayer pa creador y organisacionnan cultural

Oportunidadnan pa Aruba haya fondonan y ricibi colaboracion riba tereno cultural na nivel internacional

Desde dialuna 22 di augustus pa diahuebs 1 di september proximo representantenan Creative Europe Desk di Hulanda Sr. Jelle Burggraaff y Sr. Albert Meijer, funcionarionan na Creative Europe Desk di Hulanda ta na Aruba, Bonaire y Curaçao pa un bishita di trabao. E representantenan di Creative Europe Desk lo reuni cu creador- y organisacionnan y lo duna tayernan riba e oportunidadnan pa nos artistanan y organisacionnan cultural ricibi fondonan. E tayernan lo ofrece informacion con DutchCulture por sostene y colabora cu e actornan di e mundo creativo y organisacionnan local riba tereno cultural na nivel internacional. Tur esnan den e ramo aki cu ta interesa por a atende e tayernan. A duna informacion kico ta e programa di Creative Europe y pa ken e ta? Cual ta e diferente subsidionan europeo disponibel? Kico DutchCulture ta haci y con nan lo por yuda e creador y organisacionnan cultural amplia nan red di contacto internacional.

Minister di Cultura den su discurso a gradici Creative Europe Desk pa nan disponibilidad y Cede Aruba pa por a wordo organisa esaki. Tabata trata di un tayer interesante y informativo referente e programa europeo y caminda a duna informacion y facilita nos artista y organisacionnan cultural con pa aplica pa fondonan di e programa europeo pa cultura. Creative Europe ta un programa di subsidio pa 7 aña cu ta promove y sostene cooperacion internacional den e sector cultural creativo. E programa aki ta dirigi na tur artista y organisacionnan riba e tereno di musica y tur otro forma di arte creativo, pa haci uso di e oportunidad pa por entrega nan peticion



na e comision cu ta encarga cu esaki di union europeo. Aruba ta un isla chikito pero nos tin un cantidad grandi di talentonan, cual e mandatario a reconoce e presencia di varios di nan e mainta aki den Cas di Cultura. E talentonan aki ta enrikese nos sector cultural, nos talentonan local tin tremendo potencial pero debi na escases di fondo, nan no por sigui desaroya nan talento y nos sector cultural creativo. E programa pa fondonan europeo ta un oportunidad significativo pa nos impulsa nos sector cultural, especialmente awo considerando e situacion financiero delicado cu nos pais ta pasando aden. E fondonan di e programa europeo lo por yuda nos atende cu e retonan, ofreciendo e sector sosten pa medio di e fondonan disponibel. E intercambio di informacionnan ta necesario cual ta facilita e proceso aki. Nos pais Aruba ta bini na remarke pa e fondonan aki, pasobra nos ta forma parti di reino hulandes cual ta miembro di union europeo.

Minister Maduro a sigui trece dilanti cu esaki ta importante pasobra industria creativo ta un di nos sectornan promotor pa desaroya y diversifica nos economia. Nos ta desea pa esaki crece y prospera y asina stimula innovacion. Den number di gobierno di Aruba, e mandatario a expresa palabra di danki na Sr. Jelle Burggraaff y Sr. Albert Meijer pa nan disponibilidad pa ofrece e tayer aki. E informacionnan cu ta wordo comparti lo ta di gran balor pa e sector cultural y creativo di pais Aruba. E mandatario a gradici Cede Aruba pa organisa e evento aki y por ultimo e mandatario a encurasha tur artista pa haci uso efectivo di oportunidad pa crea "network", tuma nota di e conocimiento y experiencia di e oradornan cu lo ta na beneficio pa yuda nos pais su sector creativo desaroya y crece. Di e presentacion aki ideanan nobo lo por nace tambe pa nos Pais Aruba sigui desaroya den e sector di industria creativo.

PAN BATI, SCABECHI, SEAFOOD SALAD, SULZ, SANGER YENA, CONCOMBER OF PAPAYA STOBA, SANCOCHO, AWA DI PLAYA, QUESILLO, PANBOYO, BOLO PRETO AND MUCH MORE!

AUTHENTIC ARUBAN & CARIBBEAN BUFFET

Elements RESTAURANT

LOCATED AT BUCUTI & TARA BEACH RESORT

RESERVATIONS REQUIRED

elementsaruba.com | +297 592 5868

ADULTS ONLY | CASHLESS | NO SMOKING | NO GROUPS

\$24.50

SERVICE CHARGE INCLUDED

Aruba Bank ta contribui na e “Annual Aruba International Regatta”

Aruba Bank a haci entrega di premiacion durante di e Annual Aruba International Regatta organisa pa Fundacion di Aruba Regatta, cu tin como vision pa crea plataforma pa introduci e posibilidad pa nabega na un publico mas grandi y conecta hende cu naturalesa y experiencia sostenibel den deportenan acuatico.

E evento cu a tuma lugá dia 20 y 21 di augustus 2022 a consisti di diberticion, accion y competencia bou di diferente yate, catamaran, kitesurfers y windsurfers nan internacional durante e dos dianan combina cu musica, fiesta na beach y comemento durante anochi. Tur nabegante a competi pa e premio maximo. Aruba Bank ta contento di por a forma parti di un evento cu ta trece nos nabegantenan local y internacional hunto pa asina por conecta mas na nos naturalesa y introduci e mundo sostenibel un poco mas. Representante di Aruba Bank, Executive Director Sra. Gina Habibe, tabata presente pa haci entrega di premio na e ganadoranan.

Pabien na organisadonan y participantenan di e Aruba International Regatta cu ta tuma lugá anualmente.



SPORT



Les di landamento ta cuminsa riba 3 di september

Skol di Natacion Ban Progresia ta participa na tur su alumnonan y nan mayornan y tambe na tur interesadonan (hoben y adulto) cu Diasabra, dia 3 di september 2022 lesnan di landamento pa e aña escolar nobo ta cuminsa. Manera ta custumber e lesnan ta tuma lugar na Piscina Olimpico Roly Bisslik na Savaneta.

Orario di lesnan ta lo siguiente:

- **10:30 am – 11:30 am : Pa tur categoria / nivel i**

Tur esnan cu ta interesa pa cuminsa of continua cu zwemles ta cordialmente bon bini na Piscina Olimpico.

**Pa mas informacion por bel
riba number 5929915, 5690549,
5605152 of 5933367.**



**INVEST
SECURE N.V.**

We don't just say it... We Guarantee it!!!

PROTECT YOUR RESIDENCE, GROW YOUR BUSINESS, not your risks

By using the right tools, people and procedures, our security teams can assist you, giving a clearer view of your risks, ensure appropriate security investment and demonstrate value to what matters most to you.

***With more than 20 years of experience,
we are committed to the profession***

Call us for a free estimate at:
Tel: 582-7252 or Email: insec@setamet.aw



Despues di 70 aña

Muhe- y mamanan soltera por participa den Miss Universe

E organisacion di Miss Universe a dicidi di adapta su exigencianan pa e concurso di beyesa mas popular aki rond mundo, ora cu despues di 70 aña cu ta organisando e evento aki, a dicidi di habri porta pa tur hende muhe participa.

E decision nobo aki ta permiti tanto señoranan casa of mamanan soltera participa den e gran evento aki, cumpliendo asina pa un peticion cu tin pa hopi tempo riba mesa caba.

Ta conoci cu varios pais cu a manda candidatonan pa Miss Universe, a yega di manda damanan cu tabata mama caba of hasta un candidata cu tabata casa oficialmente pero nan tur a wordo descualifica pero awor ta bin realisa cu tur hende muhe por participa den un concurso di beyesa si nan ta desea esaki.

“A bira tempo pa e concurso di beyesa habri su mes pa muhenan cu tin un famia,” tabata observacion di ex Miss Andrea Meza y varios otro candidata cu a yega di participa den e concurso aki, a vocifera nan opinion.

Desde cu a inicia cu e concurso di Miss Universe 70 aña pasa, e participantenan mester a tene nan mes na reglanan estricto, caminda entre otro nan mester tin edad di entre 18 te cu 28 aña, mientras cu nan no tin mag di carga un renchi señalando cu nan ta den un matrimonio y tampoco a permiti damanan cu a bira mama pa participa.

E organisacion hasta a determina cu e Miss cu gana e concurso, no ta ser permiti pa drenta enlace matrimonial pa un periodo di un aña largo despues cu e wordo corona y tambe cu e ganado no por sali na estado den mesun periodo aki, sino e lo perde su titulo.

Wel pa e concurso di 2023, tur e reglanan aki ta wordo elimina y solamente esun cu tin di haber cu edad di entre 18 pa 28 aña, ta sigui existi pero hopi ta kere cu e 28 aña lo por wordo extende te cu 35 aña.

Ex Miss Universe Andrea Meza di Mexico na 2020, a declara den un entrevista cu tin hende cu ta contra di



e cambianan aki pa motibo cu den nan bista, nan kier mira un muhe bunita cu lo por ta cla pa un relacion y nan kier muhenan perfecto cu tambe por ta dificil pa haya pero a cualifica e reglanan bieu como sexualmente discriminatorio y tambe irealistico.

“Mester ta realistico, nos sociedad ta cambiando caminda muhenan ta ocupando posicionnan di liderazgo den comunidatnan, cual posicionnan antes solamente e hende homber tabata ocupa y a bira tempo pa cambia e reglanan di e concurso aki. Nos tin cu habri nos mes y respeta muhenan cu tin un famia, ya cu tin hopi muhe cu semper kier a participa den un evento asina pero kendenan a casa na un edad hopi hoben of cu a haya yiu prome cu nan a cumpli 20 aña.

E cambio aki ta permiti muhenan inicia un carera den e mundo di entretenimento of duna nan carera un push necesario,” e beyesa Meza a mustra.

Na tambe a cuestiona e status social di Andrea Meza, ya cu despues cu el a wordo corona como Miss Universe, diripiente a aparece un potret caminda e ta bisti den shimis di bruid para c’un homber bisti na smoking banda di dje.

Pero a bin resulta cu Meza a participa den un sesion di foto pa su titulo di embahador honorario pa Mexico pero hopi a keda preocupa cu e lo por tabata casa prome cu el a participa den e Miss Universe di 2020.

COMUNIDAD

Polis compaña pa team di aresta ta haci detencion na Moko



Diadomingo anochi rond di 7'or varios polis uniforma compaña pa coleganan di team di aresto a bay un adres na Moko. Den un caravana a yega e dicho adres cu ta un caminda di tera one way. Den un frega di wowo a bay over na

detencion di un homber cu ta wordo busca pa Husticia.

For di informacion no oficial su detencion lo tin di haber cu un of otro menasa y tambe e ta wordo considera un persona peligroso.



Proyecto Hunto Grandi, Grandi Hunto cu tremendo clausura di e programa Desaroyo continuo & Digital

Tabata na 2020 cu e proyecto Hunto Grandi Grandi Hunto, cu cooperacion di Fundacion Movimento ta Bida y subsidia dor di Cede Aruba, a introduci e programa Desaroyo Continuo & Digital cu ayudo tecnico y financiero di SETAR, despues di un encuesta cu a wordo teni bao di e poblacion di 60+. Den e encuesta cu a sali na cla cu tin basta necesidad di conosemento di e topico aki. Principalmente cu durante e pandemia hopi negoshi, e.o. Banconan, Companianan di utilidad, departamentonan di gobierno etc a cuminsa existi pa pagonan tuma lugar "on line". E programa a resulta un exito total.

Den juli ultimo a caba cu e parti 2 caminda boluntarionan 60+ a sigui un curso di 4 siman duna pa Kimberly Boekhoudt di SETAR pa bira instructor di e programa basico. Den augustus e traspaso pa otronan den bario di Paradera, Brazil, Dakota, Playa Pabou y na Cas di OPPA a sigui pa e grandinan, cual atrobe a resulta un exito rotundo. Bunita di e proyecto aki ta, cu guiadornan di 60+ ta tuma na nan encargo e tarea di instrui otronan tambe di 60+.

Diahuebs 18 augustus ultimo a finalisa e curso cu un dia di habilidadnan digital, e tan famosos "Digital Skills Day", cu ta pa di 2 biaha cu a wordo organisa pa asina otronan cu no a sigui e cursonan den bario, tambe por a haya informacion. E dia a tuma lugar den Cas di Cultura. For di 07:30 ya e prome interesadonan a cuminsa yega y despues di inscripcion, por a pasa busca desayuno.

Pa exactamente 09:00, Maestra di Ceremonia sra. Greta Illidge-Paesch, miembro di directiva di Fundacion movimiento ta bida, a duna e señal pa apertura oficial di e dia importante aki.



A sigui cu presentacion di AZV, Elmar y un Coffee-Break. Seguidamente Aruba Bank y Smart System a duna nan charla sigui pa un Lunch-Break. Y por ultimo Save More a duna su presentacion. Mester remarca cu informacionnan al caso y valioso a wordo duna door cu tur ariba menciona ta traha digitalisa.

Na final tawatin "door-prize" obsequio di Taco Bell, Casa Tua y SETAR. Sra Rosa Leon, Lider di Proyecto Hunto Grandi Grandi Hunto a gradici tur presente, tur instancia y negoshinan pa nan tremendo presentacion, sin lubida e boluntarionan cu di dlanan anterior y riba e diamars, a coopera tremendo cu e programa aki.

Mester menciona cu nos adultonan mayor a bay cas cu hopi informacion y sigur nan lo no keda atras den e mundo cybernetico di awendia. Proyecto Grandi Hunto, Hunto Grandi, na nomber di nos adultonan mayor, ta gradici Fundacion Movimento ta bida, Cede Aruba, SETAR, Aruba Bank, Smart Systems, Save More, Compra, Romar trading, Smith & Dorlas, AZV, WEB, Elmar, Cas di Cultura, tur medio di comunicacion cu a coopera pa e programa aki por a bira un exito rotundo.

COMUNIDAD

Jeffrey Kelly ta lansa su produccion mas nobo titula “ABO!”



Esiman aki Jeffrey Kelly ta lansando su produccion mas ricien titula “ABO!”

“ABO!” ta un composicion di Jeffrey Kelly y ta produci pa e talentoso Francis (FRVNCIS) Tromp. E tema aki ta uno cu a nace den luna di April aña 2020 y na September 2021 a cuminsa cu e grabacionnan y esaki a keda completa den luna di Juli 2022. Esnan cu a haci e produccion “ABO!” posibel ta:

Guitar: Jean Paul Lacle

Sax: Camilo Bastidas

Asistente den studio ora di grabacion di saxophone: Jeremy Garcia

Bass: Kevin d’Abreu de Paulo

Ritmo (tambora, wira y conga): Ricky Hernandez

Trompet y trombone: Dennis Zavala

Coro: Marlon Willems y Ruth Gaarie

Areglista y productor

Jeffrey ta manda palabra di danki na tur esnan cu a contribui pa cu e cancion aki y ta spera cu e produccion aki lo sa di “touch” curasonnan y cu e lo cay na agrado di esnan cu ta scuch’e



Gobierno ta persisti pa nombra:

Director di empresa di gobierno como comisario den otro empresa semi-gubernamental

WILLEMSTAD-Minister Charles Cooper apostula señora Jacqueline Jansen como miembro di hunta di comisario di CTDM N.V., - Curacao Television & Data Management N.V. E postulacion di señora Jansen den e funcion ei ta conta cu aprobacion di SBTNO, organo consehero di gobierno kende a husga señora Jansen completamente competente pa eherce e funcion considerando su preparacion profesional.

Loke si Consehero di gobierno no ta di acuerdo cune ta cu cada bes y mas y mas ministernan ta recomenda e mesun hende pa bira comisario den diferente compania semi gubernamental.

Den e caso aki señora Jansen ta miembro di hunta di Stichting Economische Ontwikkeling (S.E.O.) y ta miembro di hunta di Curaçao Drydock Company/Damen Shiprepair. Esei ta un obhecion cu Consehero di gobierno mr. Donny de Palm tin pero e ta bolbe remarca cu for di 2010 gobierno y e respectivo ministernan ta violaCodigo di Conducta di gobernacion cu nan a hereda di hopi gobierno anterior.

Di parti di redaccion nos ta señalá cu autoridad di e caso cu ta un secreto publico cu ta den seno di alto mando di partido politico ta dicidi cua simpatisador politico ta bira comisario den companianan di gobierno. Nada di e ultimo aki tin di haber cu señora Jansen pero mas bien cu e hecho cu gobierno den su totalidad tin 'schijt' ne regla cu masha dia



mester a lanta un mecanismo pa tene solisitacion abierto pa interesadonan cu kier bira comisario y tene un seleccion transparente.

No ta pasobra awe minister Cooper a propone pa señora Jansen bira comisario na Telecuracao sino pa decada ta halando atencion riba e detaye aki cada bes cu ta recomenda comisario den empresanan di gobierno.

Pa casualidad den e caso aki señora Jacqueline Jansen kende por lo demas tin un curriculum profesional y un carera di 33 aña como experto financiero di cual tanto aña como director di Curinde.

Of manera Consehero di gobierno a señalá, e ta bolbe recorda minister Cooper cu pa independencia di e comisario no ta recomendabel pa nombra director di un N.V. semi gubernamental comisario den un otro entidad of empresa di gobierno.



ICONS a bin ta produci nonstop: 'Una Escapadita' nobo pa ICONS y Jeon

WILLEMSTAD - ICONS ta un die bandanan cu a sigui produci sin coi rosea, asina por menciona piesanan 'live' den tur genero y naturalmente e produccionnan graba den studio cu durante di e ultimo temponan a bin ta hala hopi atencion. Tanto den farandula, como den noticia. E colaboracion cu Jeon ta duna fruta na un otro cansion cu sigur lo hala hopi atencion den e proximo temponan. 'Una Escapadita' ta conta e storia di un joncoman y un mucha muhe cu a topa su amor berdadero; awor ta sali riba un 'escapadita' pa mira si e sentimento ta igual y formalisa nan amor.

E special di e videoclip graba na Las Vegas ta cu Jeon a graba esaki cu su propio namorada y esaki naturalmente ta hasi cu e videoclip ta uno hopi sensual. Ta duna e fanatico un 'sneak peak' den e bida priva di e idolo arubano. Entretanto e videoclip guia pa e productor Edward Silberie tin riba 25,000 views den su prome fin di siman. E cansion compone pa Jeon y HnLY, aregla pa CaTiPa ta riba e canal di YouTube di KJ74 Entertainment y tur otro plataforma manera iTunes, Spotify, Tidal y Apple Music.

ICONS ta gradici tur radioemisora y fanatico; cansionnan di ICONS ta gran favorito den lista musical di cualke DJ y locutor haciendo cu den varios Top 25



25 na Corsou, Aruba y Boneiro e banda ta ocupa diferente puesto tur siman. **MASHA DANKI!**

LINKS:

YOUTUBE: <https://youtu.be/Utn9-JAqrsU>

ICONS - <https://www.instagram.com/iconscuracao/>



FORTALEZA PA FAMILIA

STIMA DIOS, STIMA BO FAMILIA.

Esun cu ta haci malo contra su propio Familia , no ta stima su mes , tampoco ta stima Dios.

Nos mester balora nos Familia, nos mester aprecia nos Familia, nos mester perdona otro y siña biba cu otro den e amor di Dios. Ta imposibel nos ta kibra otro, y nos ta haci manera , nos no sa kico nos ta haci, esun cu ta contra su Familia ta contra su mes. Esun cu por haci algo cu ta bay contra Familia ta bay contra e Palabra di Dios, y e tin di para responsabil pa tur consecuencia. Dios a institui Familia, y tur Familia ta yega na curason di Dios, diabel ta enemigo di Familia, for di principio di mundo, y awendia nos por mira cuanto hende ta cay den e trampa di bay contra nan mes Familia y no ta corda e principionan di Dios.

E forma cu maldad ta avansa den mundo, ta pone nos ripara cada momento con e falta di respet pa Familia ta aumenta. Familia ta base di un Pais, Familia ta forza di comunidad, Familia ta e multiplicacion di hende, cual Dios mes a proclama den Genesis Capitulo 1 vers 26. Si un hende lanta contra su Familia awe, mayan e lo arepentí, pasobra tur hende haci contra Familia en general, ta contra Dios y bo mes bo a hacie. Dios a duna nos libertad, pero tambe e a avisa nos pa no comberti nos libertad den libertinahe pasobra esey lo haci daño na nos mes y na nos Familia. Asina nos mira amor pa Familia ta bay perdi, Respet pa Familia ta disparce, nos tin di compronde, cu nos ta apartando for di caminda di Dios, y nos ta dunando e enemigo entrada, pa e abusa di Familia.

Cada ley cu ta perhudica Familia, ta un senal cu ta demostra cu nos ta bayendo atras, ta demostra decadencia di un pais, pero tambe ta demostra aumento di inmoralidad, A yega tempo pa tur hende dicidi y lanta ariba, cu un solo pensamiento, te na unda nos kier yega, ta posibel cu nos por pone Dios un banda y kibra Familia, pasobra materialismo, fama y placa, inmoralidad, poder, y falta di respet kier domina. Pesey nos tin cu haci oracion pa conseho di malbadonan no prevalece, contra Familia y contra e Palabra di Dios.

Ningun hende cu sano huicio no por apoya locual ta bay contra Dios su palabra y contra Familia, pasobra bo ta bayendo contra bo mes. E ta ta para scirbi den ultimo tempo (2 Timoteo 3:1-9) hende hende lo bira stimado di nan mes, nan lo wak con ta complace cu hende, nan lo no apoya e palabra di Dios, pero locual hopi hende ta lubida cu ta Dios a duna nan rosea, y cu nos tur a bini for di un Familia, y nos tur ta parti di e culpa di Cristo, y cu Dios a stima mundo completo.

Laga nos tur uni y haci oracion, pa proteccion di Familia, Pa bendicion riba Familia, Pa amor den Familia, Pa Dios su gracia aumenta riba Familia, Pa reprende e man di diabel for di riba Familia. y pa Dios tuma guia di tur Familia.

Tur locual ta bay contra Familia , ta bay contra Dios y su Palabra y hende cu sano huicio, no por participa den dje, no ta importa cuanto e por costabo, pero hende cu ta stima y respeta Dios, ta para pa Familia.

Sinceramente, Pastor Marcel Balootje.

Gradicimento y Invitation

Nos kier a manda un palabra di gradecimento pa tur cu a yuda nos y sostene nos durante su enfermedad y despedida di nos tata stima
Emiterio Arends q.e p d.



Emiterio Arends

Mihor conoci como: "Theo"

*03 Maart 1931 - †14 Augustus 2022

Danki na tur famia, amigo, colega, conocir y bisinja nan,

Tambe nos kier a gradici pa e bon cuido na dr Horacio Oduber Hospital; E specialistanan dr Selene Kock y dr Carolina Becker; E enfermeronan di piso 4; Su dr di cas cu tawata semper attent, dr Melissa Wever: Specialista dr Jason Petronilia; Enfermeronan di Wit Gele Kruis.

Alaves nos kier a invita pa tres Santo Sacrificio di Misa

Cual lo tuma lugar na Misa Sagrado Curason
na Savaneta pa 7 or di anochi

E fechanan lo ta

Diasabra: 20 Augustus 2022

Dialuna: 22 Augustus 2022

Diasabra: 27 Augustus 2022

Boso presencia lo ta altamente aprecia.



Aruba Airport Authority N.V.

ta anuncia fayecimento inespera di nos colega y
amigo

Carlos Alberto Rojer

na bida nos Director Internal Audit



Nos a perde un bon director, amigo, y mentor.

Un persona cu pashon pa su trabou, un colega cu semper ta cla pa juda nos den tur cos, pero mas ainda, nos a perde un persona unico, un ser humano cu un don di haci diferencia positivo den asina hopi bida y un amigo fiel y honesto.

Nos sa cu bo lo duna nos forza pa nos sigi cu bo bon trabou.

Na su señora Michelline, su juinan, ruman nan y demas famia, amigo y coleganan hopi forza cu e perdida aki.

Cu Carlos por sosega na paz.

Zahidée Arends, Sarah Gomes, Veronique Arends

Words of Thanks



Franciscus Johannes Maria Vergouwen

***17 June 1951 - †17 Augustus 2022**

We would like to sincerely thank everyone that assisted with the funeral arrangements and to those who called, who whatsapp us and also contacted us via Messenger.

We would like to give a special thanks to family de Jonge, Chin a sen

We would also like to give a special thanks to Brother Jozef and Julie, Guy and Sonja.

Gregory Goedgedrag for the beautiful service, Hospice Atardi for their special care and also Wilhelmina Kanker Fonds

We give thanks to the whole staff of Ad Patres Funeral Home & Crematorium for the good service we have received.

THANK YOU NOTE:



GEORGE WINSTON GILKES

ACKNOWLEDGEMENT

If you said a prayer

If you shared a thoughtful word

If you sang a song

If you extended a helping hand

Or simply thought about us

There are no words, that seem adequate enough to say thank you to

Everyone who expressed their sympathy during the loss of our beloved GEORGE.

We are grateful to have people like you in our lives.

To Aurora Funeral Home we are very grateful for your splendid service

THE FAMILY OF GEORGE WINSTON GILKES

May his soul rest in peace

“Señor ta mi wardador, mi’n tin falta di nada; Den cunucu di yerba berde, E ta pone mi sosega. E ta hiba mi na awa nan trankil, pa mi bolbe haya forza.” Salmo 23:1,2,3.

A bay sosega, mi casa, nos ruman, nos tanta, nos tanta grandi y nos amiga stima:



Maria Theresa Maduro-Rasmijn
Cariñosamente yama: “ Tele, Lya,
Tanchi, of Maria ”

*07 October 1934 - †19 Augustus 2022

Lientje, Marc en Emma Linker

Maken hierbij het overlijden bekend van mijn lieve echtgenoot, onze lieve papa en onze lieve opa de hr. Jan Linker



*27-11-1947 - †20-8-22

Afscheids ceremonie zal later bekend worden

Gradicimento y Invitacion

Pa medio di esaki famia kier a gradici tur esnan

cu na un manera of otro a duna nos sosten, consuelo y forza durante e tempo dificil cu e fayecimento y entierro di nos defunto stima:



Casimiro Kelly

Mihor conoci como “Chin, Papa Chin of Mo Chin”

Boso muestra di atencion ta di hopi aprecio y un gran sosten pa nos. Un danki na un y tur cu a manda carchi, krans, whatsapp, email y a hasi yamada nan telefonico.

Tambe na Aurora Funeral Home pa cu su bon servicio y atencion.

Boso muestra di atenshon tabata un gran consuelo pa nos.

Na mes momento nos ta invita famia, bisiña-, amigo- y conocirnan

pa compaña nos na 1 Santo Sacrificio di Misa na misa Santa Filomena na Paradera; diasabra 27 di augustus pa 7 pm.

Boso presencia ta altamente aprecia.

Royal Pray
Aurora
Funeral Home & Crematory

PA LESA FULL OBITUARIOS, WAK WWW.AWEMAINTA.COM/OBITUARIOS

**“Señor ta mi wardador, mi’n tin falta
di nada Den cunucu di yerba berde e
ta ponemi sosega. E ta hibami na awa
trankil, Pa mi bolbe haña forsa”.**

Salmo: 23

Nos ta anuncia fayecimento di:



**Dionisia
Josephina Helder**

***12-12-1939 -
†15-08-2022**

Tur cos aki na mundo tin su ora y su tempo,
Ora pa nace y ora pa muri, ora pa yora y ora pa
hari, Ora pa keda keto y ora pa papia, ora pa stima
y ora pa odia, Ora pa guerra y ora pa paz”

Predicador 3:1-2-4-7-8

**Cu dolor na nos curason, nos ta participa
fayecimento di nos ser stima:**



Sra. vda. Theresa Krosendijk-Kock

**Cariñosamente yama “Theresita”
*08-02-1930 - †17-08-2022**

“Señor ta mi wardador, mi’n tin falta di nada

**Den cunucu di yerba berde e ta ponemi
sosega. E ta hibami na awa trankil,**

Pa mi bolbe haña forsa”. Salmo: 23

Nos ta anuncia fayecimento di:



Maxima Ras

***15-05-1940 - †17-08-2022**

**“SEÑOR TA MI WARDADOR, MI’N TIN FALTA DI
NADA. DEN CUNUCU DI YERBA BERDE E TA PONEMI
SOSEGA. E TA HIBAMI NA AWA TRANKIL, PA MI BOLBE
HAÑA FORSA”. SALMO: 23**

Conforme cu boluntad di Dios y gradecido na loke el a
haci y nifica pa nos, nos ta participa fayecimento di:



Sr. Jan Hendrick Tromp

***03-10-1954 – †18-08- 2022**

Acto di entierro lo wordo anuncia despues.